

¡BOMBA!

Con Trump son tiempos de horror,
lo pienso mientras me afeito;
por agua ya no habrá pleito,
mas por gusano barrenador...



K'intsil

Martes 29 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2467 · www.lajornadamaya.mx

Kaxta'ab tu kaajil Veracruz u kimen wíinkilal xmixeil Sandra Domínguez yéetel u yíicham



/ p 26
Oochel Efe

Úuchik u beeta'al u meyajil inteligencia criminal tumen u mola'ayil Fiscalía General del Estado de Oaxaca (FGEO), tumen mül meyajnaj yéetel uláak' mola'ayo'obe', béeychaj u kaxta'al u kimen wíinkilal activista Sandra Estefana Domínguez Martínez yéetel ti'al u yíicham Alexander Hernández Hernández, máaxo'ob jsa'atbesa'abo'ob tu k'iinil 8 ti' octubre ti' u ja'abil 2024.

Tu jo'olaj kaxta'ako'obe', beeta'ab pericial xaak'alo'ob ti'al u béeytal u yojéelta'al máax ti'al le wíinkilal kaxta'abo'obo'.

Jejeláas xaak'alo'obe', mül beeta'ab tumen Fiscalía General del Estado de Oaxaca beyxan tumen Secretaría de Seguridad y Protección Ciudadana del Gobierno Federal, úuchik u k'ubéenta'al meyaj ti' Coordinación Nacional Antisecuestro (CONASE), Centro Nacional de Inteligencia, yéetel u mola'ayil Secretaría de la Defensa Nacional (DEFENSA), Guardia Nacional, Fiscalía General del Estado de Veracruz, Policía Estatal de Oaxaca beyxan Comisión Estatal de Búsqueda de Personas del Estado de Oaxaca.

U kaxta'al u wíinkilal le ka'atúul wíiniko'oba', j-úuch tumen yanchaj jump'éel operativo ti'al u béeytal orde de cateo ichil jump'éel kúuchil yaan tu bejil La Ceiba tak Unión Progreso, tu kaajil Santiago Sochiapan, ichil u noj lu'umil Veracruz.

Te'el kúuchilo', kaxta'ab ka'ap'éel fosas tu'ux muka'an ka'ach u kimen wíinkilal Sandra yéetel Alexander, ka'aj ts'o'oke' biinsa'abo'ob tu kúuchil Instituto de Servicios Periciales ti'al u béeytal u beeta'al científico xak'alta'alo'ob, tumen chéen ja'alil beey je'ets'ik leti'e' máako'obo'.

Xaak'ale' beeta'ab úuchik u yantal operativos tu lu'umil Oaxaca, u ya'abile' jbeeta'ab tu Cuenca del Papaloapan, je'el bix xan tu lu'umil Veracruz, tu'ux kaxta'ab k'a'anan ba'alo'ob ikil u kaxta'al u yojéelta'al ba'ax úuchij.

Yáax ba'ax kaxta'abe', leti'e' camioneta u ti'al ka'ach le máaxo'ob sa'atbesa'abo'ob. Ti' j-ila'ab tu kaajil Playa Vicente, Veracruz. Ts'o'oke' ti'al 17 ti' octubre ti' u ja'abil 2024e', kaxta'ab u teléfonoil Sandra Domínguez, tu kaajil El Nigromante, láayli' Veracruz, le beetik mu'uk'ankúunsa'ab u kaxta'alo'ob te'elo'.